

APIL FARMERS ASSOCIATION (AFA)

PUROK 3, APIL OROQUIETA CITY MISAMIS OCCIDENTAL

BATAKANG BALAOB

PASTUNA

Kami nga mga residente sa Apil, Oroquieta City, Misamis Occidental, kinsa nga nagkahiusa ang among tinguha sa pagmugna ug usa kapunungan alang sa kauswagan o kalambuan ug paguswag kanamong mga sakop niining pinaagi sa pagpanginabuhi, pamatasan ug kinaiya ug ubos sa kahayag sa atong Dios nga langitnon ug labing gamhanan, dinhi nagmugna ug balaodnon kinsa nagbutyag ning maong constitution and by-laws.

ARTIKULO I NGALAN UG LUGAR SA KAPUNUNGAN.

Section 1. Ang ngalan ning maong kapunungan mao ang AFA- o Farmers Association

Section 2. Ang dapit o lugar nga nahimutangan ning maong kapunungan mao ang baranagy hall, purok 3, Apil Oroquieta City.

ARTIKULO II KATUYUAN

Section 1. Ang katuyuan sa kapunungan mao ang pagpanalipod ug pagpalambo sa kaayuhan, katungod ug komon ug interest alang sa tanang sakop sa kapunungan.

Section 2. Ang labi pang importante katuyuan sa kapununagn mao:

- 2a.) Ang pagplano ug pagmugna ug usa ka programa sa panginabyhi sa mga sakop niini.
- 2b.) Ang pagdasig sa mga sakop sa kapunungan sa paghimo ug mga buluhaton mga mahimong maayong kapanaminan sa katilingban.
- 2c.) Ang pagtimbayayong ug pagtinabangay alang sa kaayohan ug kalambuan sa organization kauban sa pagsalig ug pagtuo sa Dios mga labawong makagagahum ug tag-iya sa tanang mga butang sa kalibutan.
- 2d.) Paghimo ug uban pang kalihukan sa kapunungan nga may kalambigitan sa mga katuyuan sa pagpalambo ning maong kapunungan

ARTIKULO III PAGPASAKOP/

Section 1. Ang pagpasakop ning maong kapununagn mahimo ni bisan kinsa nga residente ning hingtungdan nga barangay lang

Section 2. Ang pagpasakop ning maong kapununagn kinahanglan mo pil up ug application nga mohimo sa kapunungan alang lang sa gustong magpasakop sa organization, ug kini pagaaprobahan sa pangulo ning maong kapunungan

Section 3. Ang pagpasakop ning kapunungan mosubmitir ug application kauban ang membership fee nga P20.00 ug capital buil-up P100.00 share of stocks alang sa kapunungan ug certificate of attendance sa pre-membership seminar

Section 4. Ang pagpasakop ning maong kapunungan kinahanglan mutoman sa lagda ug balod nha gilatid sa organization sa pagpasakop ug kinahanglan mobayad siya sa mga balayronon sa kapunungan

ARTIKULO IV

KATUNGOD UG KATUNG DANAN SA MATAGSAKOP SA KAOPUNUNGAN

Section 1. Katungod – ang matag sakop sa kapunungan kinahanglan magpabilin maayong sakop sa kapunungan aron siya makapahilos ning maong mosunod nga katungod:

- 1a.) Paminawon ang iyang katungod o opinion sa mga butang nga may kalambigitan sa kapunungan.
- 1b.) May katungod siya sa pagbutar sa butang nga I presentar diha sa meeting o sa pagpili during election ug lalambuan sa organization kauban sa pagsalig ug pagtuo sad Dios nga labawong makagagahom ug ug tag-iya sa tanang mga butang sa kalibutab.
- 1c.) Makatagamtam siya sa tanang benepisyo nga alng sa mga sakop sa kapunungan.
- 1d.) May katungod siya diha sa pagpangayo ug informasyon sa mga record, documento, libro ug uban pang kalihukan mahitungod sa kapunungan.
- 1e.) May katungod siya sa pagpili ug magpapili sa matag piniliay nga pagahimuon sa kapunungan

Section 2. KATUNG DANAN – ang matag sakop sa kapunungan adunay katungdanan sa kapunungon ning mga mosunod:

- 2a.) Pagtuman sa constitution and by-laws ug mga resolusyon nga gimugna sa Kapunungan
- 2b.) Pagpanalipod sa ngalan ug integredad sa kapunungan
- 2c.) Pagpalambo ug pagsuporta sa interest ug katuyoan sa kapunungan.
- 2d. Aktibo mga motambong ug mosalmot sa tanang meeting ug klihukan sa kapunungan.
- 2e.) Mobayad sa tanang balayronon ug amoton nga gikauyonan sa tanang sakop sa kapunungan

ARTIKULO V ASSEMBLIYA HENERAL

Section 1. Ang assemblya heneral maoy pinakataas nga magbabalaod sa kapunungan ug ang tanang balaod, palisya ug mga plano nga giaprobahan kinahanglan pagasundon sa tanang sakop sa kapunungan.

Section 2. Ang assemblya nga nagalangkob sa tanang sakop sa kapunungan

ARTIKULO VI
OPISYALIS UG MEMBRO SA KOMITIBA

Section 1. Ang mga sakop sa kapunungan nagapili ug mga opisyalis ug mga membro sa mga komitiba nga mao ning mga sumosonod:

- Usa (1) ka pangulo
- Usa (1) ka puli – pangulo (vice-president)
- Usa (1) ka secretarya
- Usa (1) ka tresurero
- Tulo (3) ka membro sa komitiba sa Audit / imbentaryo
- Tulo (3) ka membro sa komitiba sa edukasyon
- Tulo (3) ka membro sa komitiba sa panalapi
- Tulo (3) ka membro sa komitiba sa eleksyon
- Tulo (3) ka membro sa komitiba sa credit & collection
- Tulo (3) ka membro sa job specialist
- Tulo (3) ka membro sa sales marketing

Section 2. Ang napili nga pangulo maoy tsirman sa tanang meeting nga pagahimoon sa kapunungan

Section 3. Ang napili nga mga membro sa nagkalaing-laing komitiba maoy nagadumala sa ilang tagsa –tagsa ka gimbuhaton sa kapunungn

Section 4. Ang napili nga mga opisyalis ug mga membro sa nagkalain- laing komitiba magserbisyo sa ilang katungdanan sulod lamang sa duha (2) ka tuig gikan sa ilang pagkapili sa katungdanan

ARTIKULO VII
MGA BULOHATON SA MGA OPISYALIS UG MGA MEMBRO SA KOMITIBA

Section 1. Pangulo – ang pangulo maoy hepe sa tanang bulohaton sa kapunungan siya ang tsirman sa tanang meeting ug siya ang nagdumala sa tanang bulohaton sa mga opisyalis, membro sa komitiba ug sa tanang sakop sa kapunungan

Section 2. Puli – Pangulo – siya ang kaabag sa pangulo ug mga bulahaton sa kapunungan ug kon wala ang pangulo, siya ang mopoli niini sa katungdanan

Section 3. Secretaryo – siya ang tigkuha sa mag minutos sa tanang meeting sa kapunungan ug mopreparar sa mga resolusyon, sulat pahibalo sa tanang meeting nga pagahimuon sa opisyalis, komitiba ug sa mga sakop sa kapunungan ug mohimo ngadto sa tanang buluhaton nga isugo sa mga opisyaes niini.

Section 4. Tresurero – siya ang tighipos sa mga kabtangan ug modiposito sa kwarta sa kapunungan ngadto sa bangko, mo records ug mga documento lakip na ang tanang bililhong butang sa kapunungan.

Section 5. Komitiba sa Audit / Imbentaryo – ang maong komitiba maoy maga-audit ug mo imbentaryo sa panalapi ug kabtangan sa kapunungan ug morekumendar sa pag-aprobar o dili pag-aprobar sa mga transakyon sa kapunungan mahitungod sa resibo, panggastos ug paggawas sa kantidad ug bililhong butang sa kapunungan.

Section 6. Komitiba sa Edukasyon – ang maong komitiba maoy mohatag ug edukasyon sa tanang sakop ug magsakop sa kapunungan mahitungod sa pamalaud ug kalihukan ug uban pang mahinungdanon ug katuyoan sa kapunungan.

Section 7. Komitiba sa Panalapi – ang maong komitiba isipon nga tigdumala sa budget sa kapunungan ug maoy tigpahibalo sa kapunungan kon unsaon na ang sitwasyon sa panudlanan sa kapunungan.

Section 8. Komitiba sa Eleksyon – ang maong komitiba maoy magdumala moproklamar sa mananaug sa elekyon ug mosulbar kon adunay elekyon protest nga isubmeter sa mga kandidato.

Section 9. Komitiba sa Credit & Collection – ang maong komitiba mao ang responsible sa mga pautang mo-aprobar o dis-approve sa angay o dili angay pautang ug maoy responsibilidad sa pagkulikta sa mga gipautang ug uban pang kuliktahon sa mga membro sa kapunungan.

Section 10. Job Specialist – ang maong komitiba mao ang responsibilidad sa mga membro nga angay tagaan ug trabaho ug musosi sa qualification sa mga aplikante ug uban pang kaayuhan para sa mga membro sa pagbaligya ug pangita ug katunoran sa produkto para sa organization.

ARTIKULO VIII MEETING

Section 1. Assemblies Heneral – ang meeting nga tinuig sa assemblya heneral sa kapunungan pagahimuon sa matag katapusan sa byernes sa bulan sa December sa matag tuig.

Section 2. Meeting sa Opisyalis ug mga membro sa komitiba ang mga opisyaes ug mga membro sa komitiba maga meeting maka-usa sa kada bulan sa adlaw sa meeting nga itakda sa pangulo sa kapunungan.

Section 3. Pagahimuon nga Quorum – ang meeting pagahimuon nga quorum kon makakuha na ug mayorya sa mag sakop sa kapunungan labaw na sa katunga 50.1 ang motambong sa meeting. Bout sabton nga kon labaw na sa katunag ang gidaghanon sa sakop sa kapunungon ang mitimbang, mao na kana ang quorum.

ARTIKULO IX ELEKSYON SA MGA OPISYALIS UG MGA MEMBRO SA KOMITIBA

Section 1. Ang pagpili sa mga opisyaes ug mga membro sa mga komitiba sa kapunungan pagahimuon makausa sa matag (2) duha ka tuig kini sa panahon sa assemblya heneral sa katapusang byernes sa December gawas lamang sa membro sa komitiba sa elekyon nga pagapilion sa katapusang sabado sa bulan sa April sa matag (2) duha ka tuig.

Section 2. Ang pamaagi sa pagpili sa mga opisyalis ug membro sa komitiba pagahimoon sa sekreto nga balota gikan sa alas 12:00 sa udto sa maong adlaw nga gitakda sa piliay, u gang makakuha sa mayoriya nga boto mao iproklamar nga mananug sa maong piniliay.

Section 3. Ang napilian nga opisyalis ug mga membro sa komitiba molingkod sa katungdanan sa unang adlaw sa Enero sa pagkasunod tuig apan ang napili nga membro sa komitiba sa eleksyon, molingkod dayon sugod sa unang adlaw sa Nobyembre nianang tuiga ug sila ang magdumala sa piniliay sa mga opisyaes ug uban pang membro sa komitiba.

Section 4. Bakante nga posisyon – kon adunay mobakante nga posisyon sa opisyalis o membro sa komitiba ang pangulo motawag dayon ug usa k espesyal nga piniliay sa nabakante nga posisyon.

ARTIKULO X DISIPLINA

Section 1. kon si kinsa nga sakop sa kapunungan nga dili motambong sa meeting sa maka (3) tulo ka higayon siya pagataktakon sa kapunungan ug paga aprobahan sa Pangulo.

ARTIKULO XI KAUSABAN

Section 1. kon adunay kausaban nga pagahimoon niini nga constitution and by-laws, kini ipresentar sa assemblya heneral ug paga aprobahan sa 2/3 nga gidaghanon sa mga sakop sa kapunungan.

ARTIKULO XII EPEKTO

Section 1. kini nga constitution and by-laws magasugod human maratipikahi sa mga sakop sa kapunungan niining ika _____ sa bulan sa _____, 2005 dinhi sa Oroquieta City, Philippines.